



咨



大總統咨參議院議決胡漢民等呈請設立國史院文


據胡漢民等呈稱云原呈見前查中國歷代編纂國史之機關均係獨立不受他機關之干涉

所以示好惡之公昭是非之正使秉筆者據事直書無拘牽顧忌之嫌法至善也民國開

勦為神州空前之偉業典章制度以及志士締造經營之成績不有信史何以焜耀宇內

昭示方來該員等所請設立國史院之舉本總統深表贊同除批示外合行作為議案咨

請貴院迅予開會議決見覆可也此咨



令示



大總統令教育部通告各省將已設之優級初級師範一併開學文

自民國起義以來教育機關一時停歇爨舍變為兵營學子編入卒伍此誠迫於時勢不

得不不然然青年之士問學無途請業失據者何可勝道學者國之本也若不從速設法修

舊起廢鼓舞而振興之何以育人才而培國脈查閱臨時政府公報第三十二號載有該

部通告各省電飭令高等專門學校從速開學免致高等學生半途廢學中學畢業學生

亦無升學之所云云自是正當辦法惟教育主義首貴普及作人之道尤重童蒙中小學校之急應開辦當視高等專門爲尤要顧欲興辦中小學校非養成多數教員不可欲養成多數中小學教員非多設初級優級師範學校不可雖一時權宜與永久經制自殊而統籌全局亦不可顧此失彼此時注重師範既能消納中學以上之學生復可隱植將來教育之根本是真當務之急者爲此令仰該部迅卽妥籌辦法通告各省將已設之優級初級學校一併開學其中小學校仍不可聽其停閉速籌開辦是爲至要此令

大總統令外交部妥籌禁絕販賣猪仔及保護華僑辦法文

茲據荷屬僑民曹運郎等呈請禁止販賣猪仔及保護華僑各節查海疆各省奸人拐販猪仔陷人塗炭曩在清朝熟視無覩致使被難同胞窮而無告今民國既成亟應拯救以尊重人權保全國體又僑民散居各島工商自給者亦實繁有徒屢被外人陵虐然含辛茹苦摯愛宗邦今民國人民同享自由幸福何忍僑民向隅不爲援手除令廣東都督嚴行禁止猪仔出口外合亟令行該部妥籌杜絕販賣及保護僑民辦法務使博愛平等之義實力推行切切此令

大總統令廣東都督嚴行禁止販賣豬仔文

茲據荷屬僑民曹運郎等呈請禁止販賣豬仔各節查奸徒拐販同胞陷人溝壑曩在前清草菅人命漠不關心致使被難人民窮而無告豈惟有虧國體亦本總統痛心疾首殷念不忘殊慘絕人道前曾令內務部編定禁賣人口暫行條例冀使自由博愛平等之義實力推行惟禁止豬仔出口尤爲刻不容緩之事民國既成豈忍視同胞失所不爲拯救除令外交部妥籌辦法外合亟令行該都督嚴行禁止務使奸人絕迹以重人道而崇國體此令

大總統令實業部核辦浙西場灶代表葉寶書等呈改良浙省鹽政辦

法文

據浙西場灶全體代表葉寶書等具呈略稱浙省改革鹽政辦法有碍該處場灶生產請予維持前來除批示外合將原呈發交該部仰即察核辦理切切此令

大總統批浙西場灶全體代表葉寶書等請維持鹽灶呈

呈悉據稱浙省改革鹽政辦法有碍該處場灶生產應候令行實業部核辦仰即知照此

批

大總統批陸軍部轉呈陸地測量總局擬將測繪人員階級比照陸軍

官佐士兵階級訂定呈

呈覽表均悉現今東西各國測繪人員均據文職無據武職之例該部所呈測繪人員可否比照陸軍官佐階級擬定之處礙難照准原呈及表發還此批

大總統批荷屬僑民曹運郎等請禁止販賣豬仔及保護僑民呈

呈悉奸人販賣豬仔慘無人道本總統痛心疾首殷念不忘前曾令內務部編定禁止販賣人口暫行條例以重人權查僑民散居各島工商自給實繁有徒而屢被外人橫加虐辱含辛茹苦不肯宗邦可憫可矜亟應援手今民國既成斷不忍使海外僑民不同享自由平等之福所陳各節已分別令行外交部及廣東都督酌核辦理矣此批

大總統批湖北礦商石仁山等控訴湖北內務理財兩司聯絡一氣攘

奪私產呈

所呈各節均悉該商等創立公司採辦鑛業既據呈稱由該地主與各股東妥商合辦訂

立契據呈明前清勸業道立案何以當時不予認可給照迨鄂軍政府成立後該內務財政兩司亦屢經派委查驗如果無別種轆轤又何以藉詞再三拒絕此中情節非澈查不能明晰現當共和建設伊始人民營業權亟應保護豈容攘奪惟既稱另稟副總統鄂都督在案仰候批示辦理可也此批

交通部令上海郵政總辦多福森派盛陸二生充郵政學習員文

本部亟擬造就郵政人才以資委任前由本部員陳廷驥唐文啓二員在滬與貴郵政總辦面訂派員到局將郵政各部分事務學習畢業即由貴郵政總辦委任辦事等因茲查有山西大學堂及上海高等實業學堂預科畢業生盛惇及常州冠英學堂肄業生陸允成堪以派充學習員該員到局一切悉歸貴郵政總辦監督即希將該員到局學習日期具報可也此令

交通部爲江蘇教育總會徵集員袁希洛赴各處徵集戰爭品物令鐵路局招商局免繳賃金文

准江蘇教育總會函稱民國成立戰事告終將與國民休息轉其方針注重國民教育本

會議定徵集關於此次革命戰爭之品物設立紀念館以爲國民教育之助現派會員袁君希洛爲徵集員赴各處徵集惟徵集之品物長途運送以及徵集員往來各處旅費運賃等所費甚鉅本會經費力有不足以爲事關民國國民教育甚大擬請大部知照各處鐵路及輪船招商局遇袁君及其隨從員僕二人乘載時免其賃金俾得廣爲徵集等語此次推翻專制建設共和志士仁人犧牲無量數之精神血肉始克奏此膚功自由之華炤燿史乘其中事蹟及戰利物可留爲國民永久紀念而起發社會敬仰者至多苟不及時蒐儲先烈之功大懼泯沒該會派員赴各處徵集革命戰品設立紀念館用意深遠良堪嘉尙所請關於徵集員往來各處之輪船鐵路免其賃金以助旅費之不足自應照准爲此令仰各該局凡於江蘇教育總會徵集員袁希洛及隨從員僕二人附乘舟車輪送紀念品時準其免徵賃金俾得廣集民國紀念物品以助國民教育之發達是爲至要此令

交通部批上海交通銀行李厚祐請在通濟典提款以應要需呈

呈悉全皖工振關係重要需款孔急應卽如呈將存款三萬四千兩由通濟典陸續提付

以應要需已轉飭盧恩澤等知照矣惟盧恩澤等原呈江甯交通銀行應派皖省規銀共計八萬餘兩現只存銀三萬四千兩所差尙多究竟江皖查賑處當日如何存撥前清度支部所劃十萬兩內是否已有皖省墊款且據楊分理萬遜稱江皖賑捐存戶共銀十三萬兩但知係江蘇安徽兩省之款而現存之三萬四千兩究係屬蘇屬皖亦未聲叙明晰仰再確詢楊分理詳查呈復以憑核奪此批

交通部批鐵道公會蘇建勳等公議組織公會呈

據稟並工會草章已悉吾國自周秦漢時工藝漸已發達考工記已有明徵何以沿襲至今迄無進步良由私家著述偶有發明而工會集合毫無研究故工黨渙而不聚工學亦粗而不精鐵道爲全國交通命脈規國者每比較各國敷設里數之長短以定強弱之準繩該生等公議組織工會以資研究誠當務之急本部極表同情應卽悉心組合俾鐵道技術孟晉無已曷勝延盼此批

內務部令江甯府知事示禁各鄉演戲賽會文

案據北鄉保衛會會長顧良遇呈稱北鄉一帶每屆春季各有節期爲買賣農具聚集之

日恒有演劇賽會等事雖曰習俗相沿不失雅頌承平之盛而辦公益者每劇一本卽一天收費四元五元不等又有開場聚賭每棹收費若干一日竟有數十棹百棹之多者以致賭博棍徒明目張膽恃爲護符莫可禁止無論是否正當公益費用似有不合况賭博惡習巧取人財有乖人道呈請示禁等情到部據此除批示外合行令知該知事卽便通示各鄉一體嚴禁以杜流弊而保治安切切此令

內務部令江甯巡警總監飭區驅逐總統府左側流氓文

照得流氓痞棍遇事生風最足擾害治安現查總統府左側郵政支局門口一帶閑雜人等聚處甚夥每有不法棍徒混迹其間時在該處滋擾亟應嚴切驅散以保治安合特令知仰卽遵照迅督該處區巡各員嚴飭長警將郵政支局門口閑雜人等一律驅逐並隨時切實稽查倘仍聚處滋擾卽行拿懲勿稍玩縱切切此令

內務部令江甯巡警總監取締公中工作拆用內城磚瓦文

據呈限制拆用內城磚瓦所見甚是嗣後如有以公中工作名義需用此項磚瓦者須向巡警總局報領旗幟可由貴總監擬定辦法出示通告並令知區巡各官於此項磚瓦運

經各區時切實稽驗始准放行以示限制而杜託名業經本部咨請陸軍部暨衛戍總督通飭所屬一律查照辦理至所請咨會外交部照會教堂一節呈內雖稱天主堂亦有搬運磚瓦情事既未據切實指證且外國人工作當然不能取中國公家之磚瓦偷運咨請照會轉若准許其領旗搬用實有未便以後如有搬取此項磚瓦驗無警局旗幟者無論稱係何處取用均着將所搬磚瓦一體扣留一面先將所擬領旗辦法並出示通告日期報部備查此令

內務部令江甯巡警總憲收回下關高埠巡警統歸管轄文

案准陸軍部函開現在大局已定共和告成所有各項營業亟應取締以保治安聞下關第一樓大觀樓萬華樓三旅館自南京光復之後窩娼聚賭私賣鴉片無所不爲以致各處軍隊中中下級官佐每流連其間耗費甚鉅查目下正整軍經武之時不可任其嬉遊除函致衛戍總督嚴禁軍人冶遊外爲此函達貴部請飭將該三旅館嚴行取締庶於軍紀民風兩有裨益是爲至盼等由准此卷查下關商埠巡警前據貴總監呈稱光復之初由局派委施廷燮前往整理嗣以外務司長馬良移據稅務司函請由司派員接辦因由

外務司特派科員周德壽前往接收辦理總局前派之員經前總監羅良鐸檄令交卸現在外務司所派之員已不受巡警總局管轄等情呈報在案本部以巡警權限必須統一下關雖係商埠所有巡警亦應歸由總局管轄正在擬飭收回現准陸軍部函知前由下關第一樓等三旅館既有窩娼聚賭私賣鴉片等情事該處巡警何竟漫無覺察尤不得不急速收回統一事權以便切實整頓茲經本部咨會江蘇都督令知外務司將該司前轄下關巡警權限即日取消其所委之區長周德壽應由貴總監迅即令知將所有下關商埠巡警一切應行整理事務統歸該總局管轄辦理並將該區長察看如克勝任即由貴總監加給委任狀以資熟手其第一樓大觀樓萬華樓三旅館有窩娼等種種不法情事即着督飭該處區巡各員切實取締嚴密查禁事關地方治安慎勿稍有縱延除函覆陸軍部並咨江蘇都督外合亟令知仰即遵照辦理限文到五日內將收管下關商埠巡警暨取締旅館方法查禁窩娼等情形詳細報部以備考查切切此令



紀事

外交部接唐魏汪支電轉駐和劉使電達和外部照稱各節及辦理情

形文

外交部總長王先生華僑聯合會諸君鑒頃接駐和劉使來電稱東電計達外部昨晚照稱巴東華僑已釋今午照稱泗水升旗騷亂須究辦隨後當告詳情此係內政若干涉轉多窒碍等語預告往晤力爭則允升旗釋巴僑以固邦交泗水案情不同祇能憑爪督酌辦至裁判事關法律尤未易辦到此案連日磋商剛柔互用彼狃於治華僑習慣不復通融殊深焦憤惟有盡力再爭一面擬請飭蘇總領就近馳往調查實情乞迅復鏡冬云云特爲轉致紹儀宸組兆銘支

外交部接唐魏虞電轉駐和劉使電達和外部照稱釋放泗水華僑文

孫大總統王外交總長鑒北京外務部轉來駐和劉使鏡人電文如下頃外部照稱據爪督電自昨日起釋放泗水被拘華人現有肇事者百人在監待查或當驅逐等語明日再晤商云云紹儀宸組虞

外交部接唐魏庚電轉駐和劉使電稱和外部肯主和平交涉文

外交王總長鑒頃由袁總統交來駐和外交劉代表來電稱和外部肯主和平藉表睦誼

泗水監禁百人查明情節仍當分別辦理至死傷損失現又請其查告等語希卽查照紹儀宸組庚

財政部電復江北都督請開鑄銅元以濟軍需賑款文

江北蔣都督鑒實電敬悉苦心欽佩惟銅元爲輔幣之一各國皆嚴制限若爲籌款開鑄終必貽害細民何啻飲鳩止渴遠徵列國近鑒前清濫鑄之禍甚於水火本部力再勸阻實非得已至軍需賑款當別求財源本部債券鈔票均可濟急如核定確數編成豫算呈明大總統批飭本部當爲籌備倘市需銅元可飭甯廠代鑄若有商人稟請開辦藉圖漁利祈爲駁斥此覆財政部魚

司法部職員名單

承政廳

秘書長 王黻煒

秘書 李碧 張鳳翥 朱鵬 彭邦棟 周培懋 謝樹瓊

科員 董玉書 江漢宗 梅兆謙 錢潯 易鳳祺 景亮吉 耿介懷

胡化鯉

參事 王淮琛 駱通 胡國樑 尹鸞

事務官

庶務員 李偉 王介

會計員 何漢 段寬

收發員 揚森

監印員 周汝康

錄事 楊嘉鵠 李玉燾

法務司

司長 張軫

簽事 林稷枏 陳標 賀得霖 王鑫潤

主事 吳敏 吳源 胡熙壽 吳學祐 施德霖 常鈺滌 甘浩澤

王觀墀 何堪

錄事 江占春 劉蓋齋


獄務司

司長 田荆華

簽事 王駒 王延祉

主事 吳世昌 楊象離 晏振釗 王春生

錄事 華國章



正誤



本報第四十號第七頁第十二行第八九二字本係麗爾二字誤排爽心二字合亟更正

財政部正誤廣告

本部前批江西漁業公會一條安誤作西特此聲明

臨時政府公報 附錄

中華民國元年三月十九日星期二

隨報附出 不另徵費



電報



南京孫大總統武昌黎副總統臨時議會各省都督督撫各報館均鑒武昌臨時議會宋馬二君電均悉統籌全局倡建臨時議會云云如下倡建臨時議會翼贊共和謀國邦本殊爲欽佩惟政體初定待理萬端尊意擬在漢口發起議會早定憲法查憲法乃一國政治之根源治亂安危關係極重現奠都地點已定在北京臨時國民議會發起於漢口相距爲遠聲息懸隔揆之各國公例未有國會所在地與政府分離者宋電所言首都地點定後卽行接往曷若直赴北京更爲簡當各民國憲法大統領固無召集國會之權此就經常通例言之我國今日赤手開創與各民國相較一則組織於完全之後一則萌芽於破壞之初似宜籌權宜辦法以濟其變各省議會及諮議局雖係一隅之代議機關然或已解明或未成立况蒙古回藏各處向無此種議會所論由各省議會諮議局選舉一

層諸多窒碍不易推行且憲法關係興廢須待正式國會成立方能編訂臨時議會未便從事鄙意第一次臨時政府斟酌全國現狀草訂簡略選舉方法通行召集庶無隔闕此會成立即行編制正式國會選舉章程現時內政財政各種問題并可暫由該會解決則進可爲監督政府之機關退可爲國會發生之胚胎待正式國會成立再行纂訂憲法以定國是而昭大信謹陳管見伏望裁奪山東巡撫張廣建暨共和進行籌備處士紳公復真印

(濟南來電十六)

孫大總統各部總次長鑒元培兆銘宸組及隨行四員於今日午前九時半乘專車赴漢特聞元培等叩元

(北京來電十七)

大總統參議院各部總長各省都督均鑒敝省暫行官制酌設五司三局參照蘇贛辦法同署辦公經敝都督提交臨時省議會公開議決尅日實行一俟新官制由中央訂定頒布時即遵章辦理以期全國統一除正式備文呈報外特先電聞皖都督孫統筠文

(安慶來電十八)

袁大總統寧孫大總統鈞鑒江北佳電悉連年水災現春荒穀盡遍地餓殍滿目流亡情

狀極爲危迫曷勝怨憫相應照懇我大總統迅賜設法籌賑以恤災黎而昭惠政切禱聞
都督孫道仁叩侵印

(福州來電十九)

南京孫大總統外交部鑒各團體因泗水案發起對荷外交後援團議決請速與荷使嚴重交涉並專電劉代表要求立刻放人否則宣佈荷僑人斷絕關係視爲無約之國除派代表往北京外特電候示華僑聯合會統一黨民社民國公會統一共和黨國民協會豫晉秦隴協會工黨工商勇進黨總商會華商聯合會社會黨寰球中國學生會光復總會共和憲政會全國商團聯合會鹽業協會商學青年聯合會廣西共和協進會惜陰公會民生國計會西北實業協會大同公濟會工業建設會報界同盟黨國貨維持會泉漳會館潮州公所國民總會萬國改良會蘇州支部大同民黨等同叩


(上海來電二十)

袁大總統孫大總統各部長各報館鑒接本省議會咨文推蘊寬以都督實任無任悚懼前以南北未經統一地方宜維秩序謬權重任罪戾已深兩月以來竭蹶支離以至劇病目前百端胥待建設更何堪不知而作效駑馬之戀棧貽大局前途慮凡人要貴自知若竊位而不能治事無窮流弊何堪設想除復請省議會另行公舉外謹電聞莊蘊寬叩元

(蘇州來電二十一)

南京孫大總統鑒蒙派宣慰山西事關桑梓曷敢言辭惟自顧材力綿薄恐負委任應請
另簡賢明無任翹盼狄樓海叩

(上海來電二十二)



總統府秘書處廣告

現於本府東西柵門外設立揭示處凡來本府遞呈件者分別事項量予批答揭示該處以三日為限過期揭去嗣後凡來本府遞呈件人等希一體知照總統府秘書處白

中華民國實業部附設實業公報簡章

本報為中華民國實業部之機關報故名曰實業公報

本報以宣布實業法令灌輸實業學識為宗旨

本報暫定門類如左 (無則姑闕)

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上

六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

教育部收買古籍廣告

本部現擬籌設中央圖書館應儲書籍甚多各處如有古籍願出售者除星期外請於每日下午三時至五時持樣本至南京碑亭巷本部接洽如合意者本部當給以相當價值

教育部通告

本部現因學校令尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄

送本局登載公報藉覬地方之情況而彰民治之精神


臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆





本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡載登本報者公文未到以本
報到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號會瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

大西報

少年報

檀香山 自由新報

印刷所 臨時政府印鑄局工廠